



4309
Pl. 2061
3096

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2060/21
Sarajevo, 22.10.2021. godine

SKUPŠTINA KANTONA SARAJEVO
KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Zastupničko pitanje zastupnice Neire Dizdarević, Odgovor, dostavlja se.-

VEZA: Vaš akt broj: 01-04-3006-47/21 od 15.10.2021. godine

Vezano za Vaš akt broj i datum veze, u prilogu Vam dostavljamo odgovor na zastupničko pitanje zastupnice Neire Dizdarević.

S poštovanjem,

ŠEF UREDA

Erduan Kafedžić

Priloga: 1.

Dostaviti:

1. Naslovu;
2. a/a.





Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2060/21
Sarajevo, 22.10.2021. godine

SKUPŠTINA KANTONA SARAJEVO
KABINET PREDSDJEDAVALUĆEG I ZAMJENIKA PREDSDJEDAVALUĆEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Zastupničko pitanje zastupnice Neire Dizdarević, Odgovor, dostavlja se.-

VEZA: Vaš akt broj: 01-04-3006-47/21 od 15.10.2021. godine

Dana 15.10.2021. godine, u skladu sa članovima 211. i 214. Poslovnika Skupštine Kantona Sarajevo, zastupnica u Skupštini Kantona Sarajevo Neira Dizdarević uputila je zastupničko pitanje Vladi Kantona Sarajevo, Ministarstvu zdravstva Kantona Sarajevo, J.U. Opća bolnica "Prim.dr. Abdulah Nakaš" Sarajevo, Kantonalnoj upravi za inspeksijske poslove Kantona Sarajevo i Uredu za borbu protiv korupcije i upravljanje kvalitetom Kantona Sarajevo, koje glasi: „Da li je Opća bolnica Abdulah Nakaš postupila po naloženim mjerama KUIP-Inspektorat rada, zaštite na radu i socijalne zaštite, a vezano za utvrđene nepravilnosti konkursne procedure po Javnom oglasu za prijem u radni odnos od 24.06.2021. godine. Kao zastupnica u Skupštini KS zaprimila sam veliki broj pritužbi za kršenje zakonskih propisa i utvrđene nepravilnosti po Javnom oglasu za prijem u radni odnos u Općoj bolnici Abdulah Nakaš od 24.06.2021. godine. Prema informacijama kojima raspolazem, nakon obavljenog inspeksijskog nadzora i utvrđenog činjeničnog stanja, inspektor rada je djelovao izdavanjem upravne mjere Rješenje, kojim je subjektu nadzora naređeno da tekst Javnog oglasa za prijem u radni odnos uskladi sa članom 5. stav 4. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo. Takođe, navedeno je utvrdio i Upravni odbor Opće bolnice i informacije prosljedio Uredu za borbu protiv korupcije, u svrhu poništenja Javnog oglasa“.

S tim u vezi, informišemo Vas da je Ured za borbu protiv korupcije i upravljanje kvalitetom Kantona Sarajevo u mjesecu avgustu 2021. godine zaprimio tri prijave o navodnim nepravilnostima u vezi Javnog oglasa od 24.06.2021. godine, koji se odnosi na prijem više radnika u radni odnos u J.U. Opća bolnica "Prim. dr. Abdulah Nakaš" Sarajevo na određeno vrijeme



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217
Sarajevo, Reisa Džemaludina Čauševića 1



(nemedicinski kadar). Zaprimljene prijave su od strane Ureda prosljeđene na dalje postupanje Kantonalnoj upravi za inspekcijske poslove Kantona Sarajevo, koja je stvarno nadležna za poslove inspekcijskog nadzora u vezi postupka prijema u radni odnos u javnom sektoru na teritoriji Kantona Sarajevo.

U zaprimljenom odgovoru od Kantonalne uprave za inspekcijske poslove Kantona Sarajevo, Ured je obaviješten da je dana 24.08.2021. godine izvršen inspekcijski nadzor na navedene okolnosti, te da je tom prilikom utvrđeno da subjekt nadzora (J.U. Opća bolnica "Prim. dr. Abdulah Nakaš" Sarajevo), prilikom raspisivanja Javnog oglasa od 24.06.2021. godine, nije kao dokaz o pripadnosti branilačkoj populaciji tražio dostavu dokumenata koja su propisana Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo. Shodno tome, inspektor rada je djelovao izdavanjem Upravne mjere Rješenje kojim je subjektu nadzoru, odnosno odgovornom licu u istom, naređeno da tekst Javnog oglasa uskladi sa članom 5. stav (4) ove Uredbe.

To u praksi znači da je određeni broj kandidata ostao uskraćen za dodatne bodove, a po osnovu prava na prednost pri zapošljavanju koja su propisana Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo.

Aktom broj: 10076-2/21 od 03.09.2021. godine, J.U. Opća bolnica "Prim. dr. Abdulah Nakaš" Sarajevo obavijestila je Ured da su zaprimili Rješenje Inspektorata rada, Kantonalne uprave za inspekcijske poslove KS, kojim se naređuje poslodavcu J.U. Opća bolnica "Prim. dr. Abdulah Nakaš" Sarajevo da otkloni nedostatke utvrđene inspekcijskim nadzorom, tj. da tekst Javnog oglasa od 24.06.2021. godine uskladi sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo. Ujedno, J.U. Opća bolnica "Prim. dr. Abdulah Nakaš" Sarajevo u istom aktu navodi da se u ovom trenutku ne može postupiti u smislu da se tekst Javnog oglasa uskladi sa navedenom Uredbom, te shodno tome postavljaju Uredu upit da li to u suštini znači poništavanje istog, te od Ureda traže upute za dalje postupanje.

S tim u vezi, aktom od 10.09.2021. godine, Ured je obavijestio J.U. Opća bolnica "Prim. dr. Abdulah Nakaš" Sarajevo da Ured nije ovlašten da vrši tumačenje okolnosti koje mogu predstavljati osnov za poništenje Javnog oglasa, te da Ured nije u mogućnosti odgovoriti na predmetni zahtjev. Ujedno, Ured je obavijestio Opću bolnicu da su članom 17. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21), decidno propisani slučajevi u kojima poslodavac može poništiti Javni oglas, te je predloženo da se Opća bolnica za tumačenje ove Uredbe obrati Ministarstvu za rad, socijalnu politiku, raseljena lica i izbjeglice Kantona Sarajevo.

Postupajući po novozaprimljenoj prijavi u međuvremenu, a koja se odnosila na navodno nepostupanje resornog Ministarstva vezano za predmetni slučaj, Ured je dana 28.09.2021. godine uputio zahtjev Ministarstvu za rad, socijalnu politiku, raseljena lica i izbjeglice Kantona Sarajevo, u kojem je od ovog Ministarstva zatražen informacija da li se Opća bolnica obraćala Ministarstvu u vezi predmetnih okolnosti. Aktom broj: 13-04/2-04-18-1901/21 od 01.10.2021. godine, pomenuto Ministarstvo obavijestilo je Ured da se J.U. Opća bolnica "Prim. dr. Abdulah Nakaš" Sarajevo u proteklom periodu obratila Ministarstvu sa upitom koji se odnosio na davanje instrukcije od strane Ministarstva za dalje postupanje po navedenom Javnom oglasu, a na koji je Ministarstvo odgovorilo aktom od 23.09.2021. godine. U datom odgovoru Općoj bolnici,



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217

Sarajevo, Reisa Džemaludina Čauševića 1




Ministarstvo je navelo da se javni oglas može poništiti samo na način i pod uslovima koje je propisala Uredba o postupku prijema u radni odnos u javnom sektoru na teritoriji Kantona Sarajevo, a iz navoda Opće Bolnice i dokumentacije koju je dostavila jasno proizlazi da u skladu sa Uredbom u ovoj fazi postupka nisu ispunjeni uslovi da se Javni oglas poništi.

Nakon toga, dana 08.10.2021. godine, Ured je uputio zahtjev J.U. Opća bolnica "Prim. dr. Abdulah Nakaš" Sarajevo za dostavu informacije o statusu predmetnog Javnog oglasa (koji je objavljen 24.06.2021. godine), sa podatkom da li je postupak prijema u radni odnos još uvijek u toku ili je okončan, odnosno da li je javni oglas eventualno poništen, kao i podatak da li su sa izabranim kandidatima potpisani Ugovori o radu. Do današnjeg dana, Ured nije zaprimio povratnu Informaciju od strane Opće bolnice.

U skladu sa propisanim nadležnostima, Ured će nastaviti da prati postupanje nadležnih institucija u ovom slučaju, a sve s ciljem prevencije eventualnih nepravilnosti.

S poštovanjem,



ŠEF UREDA

Erduan Kafedžić

Dostaviti:

1. Naslovu;
2. a/a.



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217
Sarajevo, Reisa Džemaludina Čauševića 1

